



Sarataisa, Filatelefaiaia Ma Laotikaia

Suesuega lona 5

Fesoasoani mo le Suesuega a le Taitai

Sailiili

1. *Faitau le molimau i le ekalesia i Sarataisa Faaaliga 3:1-6.*

O le a sou manatu o le a le mea e sili ona leaga e faatatau i lenei ekalesia?

Tali

O loo ola i lona ta'uta'ua i lona talaaga ma e tatau ona ala mai i luga.

2. *Faitau le tala i le ekalesia i Filatelefaia i le Faaaliga 3:7-13.*

Tusi mai tulaga e te manatu e lelei ai lenei ekalesia.

Tali

Na latou tausia upu a Iesu.

Na latou le teena Lona suafa.

Na latou tumau i le onosai.

3. *Faitau le tala i le ekalesia i Laotikaia i le Faaaliga 3:14-22.*

E toatele e manatu o le ekalesia e sili lenei ona leaga lona tulaga i ekalesia uma e fitu. E te ioeina lenei manatu? O le a lou manatu o a ni tulaga e sili ona leaga i lenei ekalesia i lo Sarataisa?

Answer

O Sarataisa, sa tele lava ina ola faalagolago i mea na ta'uta'ua ai i lona talaaga ua mavae, a e toaititi lava ni o i latou na talafeagai ai. Peitai Laotikaia, na maua i latou uma i uiga faaleogolua e leai nisi na faapea ane sa lelei o latou uiga.

Manatunatu Iai

E tele ina tatou manatu tatou te saogalemu mai uiga o ekalesia 2000 tausaga talu ai i Asia Ititi. Peitai, e tatau foi ona aoga feau nei mo i tatou i le aso. A o e vaai ifo i lou lava olaga, e iai ni vaega e aoga ai nei fe'au uma i lou lava olaga?

E iai ni vaega o loo e lelei ai? E iai ni vaega o lou olaga e te iloa e tatau ona faaleleia atili?

Aisea e te manatu, e faia ai e Le Atua nei taumafaiga e tele mo i tatou ma ta'ua ai i tatou o Lana fanau? O le a se mea e maua e Le Atua i nei mea uma?

Faitau le faasologa o le tau atoa foi ma le tau i tatou te maua mai a tatou fanau. E mafai ona e tusiina le tau i Le Atua o i tatou atoa foi ma ni mea o loo la maua mai ia i tatou.

Sa faatulagaina e le malo le tau o le tausia o se tamaititi mai lona fanau mai seia 18 tausaga ma maua ai le \$160,140 mo se aiga e i le ogatotonu o totogi. A e le aofia ai ma le tau o le faaaogaina i le kolisi.

A e le taugata tele le \$160,140 pe a vaevaeina faapea.

\$8,896.66 i le tausaga e tasi,

\$741.38 masina e tasi,

\$171.08 vaiaso e tasi,

Pe na o le \$24.24 i le aso e tasi—

E sili ititi lava nai lo le tala i le itula!

Peitai, e mafai ona faapea ane o le fautuaga sili lava i mea tau tupe “Aua le faia ni tamaiti pe a e fia mauoa.”

O le mea moni e tuufaafegai lelei lava ma le faatulagana i luga.

O le a ni mea e te maua i lau \$160,140.00?

O lau aia e faaigoaina ai: muamua, lua ma le faai'u!

O le ata o Le Atua i aso uma taitasi.

O le ataata i luga o le moega i po uma.

O le alofa e sili atu nai lo le mea e mafia e lou fatu ona taofia.

O kisi ma fiusi.

O le tele o fesili eseese i papa, o loi, ao ma soo se mea.

O si tamai lima ma foliga e tumu i siamu ma sukalati e te tago atu iai ma faamama.

O taimi e taaalo ai i fafo ma totonu foi o le fale.

O se tasi e te lua talie faatasi, tusa lava pe o a tulaga sa faafeagai ma oe i lau galuega o lena aso.

E faateleina ati ai mafuaaga e faitauina ai tusi ata a tamaiti pe matamata foi ia latou ata ma isi lava mea e fialia iai mafaufauga faa tamaititi.

E tele le faatinoga o le fialia e maua mai ia tatou fanau pe a tatou faaaluina le taimi e faifai mea faatasi ai ma i latou i taaloga, lotu ma soo se mea e iai aso fanau, aso o tina ma aso o tama, o Kerisimasi ma le tausaga fou.

E na o le \$24.24 i le aso, e leasi se isi mea e taua atu e te maua i sia tupe ititi. E avea ma tama ta'uta'ua i nai mea iti lava ma le faatauvaa e te fai mo le fanau.

I mata o le tamaititi e te maualuga toetiti lava oo atu i Le Atua i lona mafaufau ititi. E ia te oe le malosi atoatoa e faamaluina ai se ma'osia ma tuliese se sau'ai i lalo o lona moega pogisa, popo se'ia moe ma talitonuina oe i soo se mea e faigata ia te ia. o ia faatinoga o le alofa a o iti lava fanau e aoaoina ai i latou e tutupu a'e e alolofa foi tusa lava pe o le a le tau.

E le mafai ona faatusalia lea fialia i se tupe! Olioli ma lofa I lau fanau ma fanau a au fanau. “O se teuga oloa lea e aupito sili lona taua e mafai ona e faia.¹

- O le a sou manatu?
- O le a le tele o so tatou tau i Le Atua?

¹ Source from *Incredimail*

- A e o le a se mea Na te maua ia i tatou?

Tali

Faatalanoaina manatu uma e faasoa mai e le vasega.

© All rights reserved Seventh-day Adventist Church South Pacific Division. Not for profit publication. Faatagaina le faaliliuina e Etuati E. Erika eerika@adventist.org.au
<http://carrumdowns.adventist.org> www.revelationhopr.com